

Bis sind die Episteln/ So auß dem alten Testa-
ment dem Newen zugesügt sindt / die man durchs jar nach ordnung der
heiligen kirchen/ auff erlich tag oder fest helt/ Wölche dan herr Hiero-
nymus Emser in seiner translation nit gemacht od bey gesetzt hat.

Esai. 17.

Epistel mit
woch in der
fronfasten
des aduents/
vnd am tag
Marie ver-
kündung.

Vnd der Herr redt forter zu Ahas/ vnd ließ jm sagen/ Beger dir ein zeych-
en vom Herrn deinem Got/ es sey in der tieffe hie vnden/ oder in der höhe
daoben. Ahas aber sagt/ Ich wil keins begern/ vnd wil den Herrn vnuerfücht
lassen. Vnd er sprach/ O du hauß Davids/ lieber höre/ Benüge dich nicht/ das
du die leüt plagest/ das du auch meinen Got plagest/ Hierumb wirdt euch der
Herr selbs ein zeychen gebē/ Nemet war/ die jungkfraw wirdt schwanger wer-
den/ vnd ein son geben/ des namen wirdt heysen Jmanuēl. Er wirdt butter
vñ honig essen/ das er das böse wisse zuscheühen/ vnd das güt zuerwölen/ Dan
er vnd der knab wissen wirdt das böß zuscheühen.

Esai. 11.

Epistel am
freytag in 8
fronfasten
des aduents.

Vnd es wirdt ein rüt vom stam Isai auff gehen/ vñnd ein zweig von seiner
wurtzel wirdt fruchten/ über wölichem der geist des Herrn rühen wirdt/ ein
geist der weißheit/ vnd des verstands/ ein geist des rahs vnd der sterck/
ein geist der kunst vnd 8 forcht des Herrn. Vñ er wirdt in wolriechend machen
in der forcht des Herrn/ dan er ja nit nach augenschein richtē wirdt/ noch straf-
fen nach hörsagen/ aber in 8 gerechtigkeit wirdt er die armen richten/ vñ in der
billigkeit wirdt er straffen/ Vñ wegen der elenden des lands/ vñ er wirdt das erd-
rich mit seines munds rüten schlagen/ vñ den gotlosen mit dem geist seiner leff-
zen würgē/ gerechtigkeit wirdt seiner lenden/ vñ 8 glaub seiner hüftē gurt sein.

der zucht. 15
Epistel an
S. Johan-
nes tag.

Der do förchtet den Herren/ der thüt die güten ding/ vnd der da ist en-
thalter die gerechtigkeit/ der begreift sie/ vnd begegnet jm als die ersam-
mütter/ vñnd empfecht jm/ als das weib von der junckfrawschaft. Sie
speißt jm mit dem brot des lebens vnd der verstentnis/ vnd trencket jm mit dem
wasser der heylsamen weißheit. Vñ sie wirdt geuester in jm/ vnd wirdt nit geney-
get/ vnd enthelte jm/ vnd er wirdt nicht geschendet/ vñ erhöhet jm bey seinen nech-
sten. Vnd sie thüt auff seinen mund/ in mit der kirchen/ vñ erfüllt jm mit dē geist
der weißheit/ vnd der verstentnis/ vnd kleydet jm mit dem kleyd der glori. Vnd
sammelt scherz über jm/ freud vnd frolockung/ vnd erbt jm mit ewigem namen.

Esai. 60

Epistel an
der heiligen
drey könig
tag.

Mach dich auff/ laß dich erleuchten/ dann dein liecht kompt daher/ vñnd
die herligkeit des Herrn gehet auff über dich. Dann sihe/ finsternis be-
deckt das erdtrich/ vñnd tuncel die vöcker/ aber über dich wirdt auff-
gehen der Herr/ vnd sein herligkeit wirdt ob dir erscheinen. Die heyden wer-
den deinem liecht nach wandeln/ vnd die könig nach dem glantz/ der dir auff-
gehet/ Erheb deine augen vñnd sihe rings vmb dich/ dise alle werden sich ver-
sammeln vñnd zu dir kommen/ deine sün werden von fernen kommen/ vnd man
wirdt deine töchter an der seyten herzu tragen. Du wirdst sehen vnd erleucht
werden/ dein hertz wirdt sich entsetzen vnd kräftigen/ so die vile des meers zu
dir bekert/ vnd der heyden macht zu dir kommen wirdt. Die menge der Came-
len wirdt dich bedecken/ vnd die Dromedarien Midian vñnd Epha. Sie wer-
den all kommen von Saba/ gold vnd weirauch werden sie bringen/ vñnd dem
Herrn lob verriechen.

Esai. 12.

Epistel an
der heiligen
drey könig
achtet.

Gott mein Herr/ ich würd dich eeren/ würd lob gegen deinem namen/ 8 du
Ghüß wunderbarliche ding. Herr/ dein alter radt werdt war/ Got Sab-
baoth/ dein arm ist hoch/ ein tron der hoffnüg/ die da gezieret ist mit preis
Die wüste frewe sich/ vnd die einöden des Jordans sollen frolocken/ vnd mein
volck wirdt sehen die höhe des herrn/ vnd die großmechtigkeit Gottes/ vnd wirdt
versamlet

versamlet vnd erlöset durch Got/ vnd wirt kommen mit lobe vnd ewiger freis-
de in Sion über sein haupt wirt sein lob vnd frolockung / vñnd in den bergen
wirdt ich auffstehn flüß/ vñnd in mitten der felder würdt ich auffreissen die brun-
nen der wasser/ vñnd das dürstig erdrich on wasser würdt ich schenden. Secht
mein kind wirt aufferhebt vnd erhöcht/ vñnd wirt fast hoch sein.

Esaië am xij. schöpffen die wasser in freuden/ von den brunnen des heylands
vñnd sprechen an dem tag/ bekennen dem Herren/ vñnd rüffen an seinen namen.
Wachē bekant seine erfindung an den völkern/ gedencken dz sein nam hoch ist.
Singen dem Herren/ wañ er hat heilich gethan/ verkündend dz in aller erden.

Spricht der Herr/ Bekeret euch von ganzem ewerm hertzen zu mir/ mit va-
stien/ mit weynen vñnd mit klagen/ zurschlitzet ewere hertzen/ vñnd nicht ewere
kleider/ Bekeret euch zu dem Herren ewerm Gott/ dann er ist gnädig vñnd
barmhertzig/ langmütig vñnd grosser güte/ vñnd lasset sich des übels rewen/ Wer
weyßt/ vñlleicht wirdt er wendig vñnd tröstet euch/ das er den seggen hinder jm
lasse zu speiß vñnd tranck opffer dem Herrn ewerm Got.

In Sion blaset mit pufsaunen/ heiliget ein vassen/ rüfft auß ein feyer/ ver-
samlet das volck/ heiliget die gemeind/ bringt die eltesten zusammen/ ja versam-
let euch die jungen kinder sampt den juglingen. Der brütigam gehe auß sei-
ner kamer herfür/ vñnd die brant von irem fürhang. Die püester die dem Herrn
dienen/ sollen zwüschen dem vorschupff vñnd dem altar weynen vñnd sagen/ Ach
Herr verschon deines volcks/ Laß dein erbeil nicht also geschmächte werden/
dz die Heyden über es herrschen/ Warumb solt man vñnder den völkern spre-
chen/ Wo ist nun jr Got/ Deñ so wirt der Herr über sein landt eyffern/ vñnd sei-
nem volck verschonen. Der Herr wirt antwurten vñnd zu sein volck sprechen/
Sihe/ ich will euch kom/ wein/ vñnd öl von dem jr ersetziget werden/ schicken/
vñnd will euch fort nicht mer vñnder Heyden geschmächte werden lassen.

Zu der selbigen zeit ward Ezechias tod krank/ vñnd der Prophet Jesaia
der son Amoz kam vñnd sprach zu jm/ Also redt der Herr/ Verschaff dein
haus/ dann du stirbst/ vñnd würdest nicht beim leben bleiben. Da kere
Ezechias sein angesicht gegen d wand/ vñnd bettet zu Herren vñnd sprach/ Ach
Herr gedenck doch das ich vor dir mit der warheit vñnd mit vollkommen hertz-
en vmbgangen bin/ vñnd gethan hab was dir gefallen hat. Vñnd Ezechias wey-
net vñnd seer/ Vñnd des Herren wort geschach zu Jesaia vñnd sage/ Gehe hin vñnd
sag dem Ezechia/ also redt der Herr ein Gott David deins vatters/ Dein ge-
bet hab ich gehört/ dein trähern hab ich gesehen/ Sihe/ ich will deinem leben
noch fünffszehen jar zugeben/ vñnd dich vñnd dise statt vor der handt des königs
auß Assyrien erretten.

Schrey hör nicht auff/ verschon nichts/ sonder erhebe deine stym wie ein pu-
sann/ vñnd verkündige meinem volck ire bosheit/ vñnd dem haus Jacob ire
sünd/ dan sie süchen mich alle tag/ vñnd wolten gern meine weg wissen/ eben
wie ein volck das gerechtigkeit gethon/ vñnd das recht seines Gotts nie verlas-
sen het/ Sie forschen mich die gerichte der gerechtigkeit/ vñnd wolten gern nahe
bey Got sein. Warumb haben wir gefastet/ vñnd du sahest nicht? wir haben vn-
sern leib gekasteyet/ vñnd du wistest nicht? Sihe/ so jr fastet so gewint jr lust/
das jr ewer hab einziehet/ Sihe jr fastet nur auff hader vñnd zank/ damit jr
Gottloslich mit der faust schlahet. Warlich jr solt nicht mer vasten wie bis-
her/ das man ewer geschrey in der höhe höre. Oder ist das die vast/ die ich er-
wölet hab? vñnd der tag an dem der mensch seinen leib kasteyet? das einer
seinen kopff heng wie ein bintz/ vñnd das er auff sack vñnd äschen lige? Solt
das vasten heysen/ vñnd ein tag der dem Herren wolgefallen sollte? Ist
nicht das die vaste die ich erwölet hab/ das jr die Gottlosen strick entlöset/ die

Joelis.
Epistel am
ascher mit-
woch.

Esai. 8
Epistel am
donnerstag
nach dem
ascher mit-
woch.

Esai. 58.
Epistel am
frextag na-
ch d ascher
mitwoch.

joch seyl zerreisset/vñ die vnderdruckten frey lasset. Summa jr solt sie alle joch auß ziehen lassen/ja das du den hungerigen dein brot brechest / vnd die elenden herumbschweyffenden heym fürest. So du ein nackenden siehest / das du in bekleidest/vnd dich vor deinem fleisch nicht verbergest. Den so wirdt dein liecht herfür brechen wie die morgen rötte/vnd dein gesundheit eylendts auffgehen. Dein gerechtigkeit wirt dir vorgehen/vnd die herligkeit des Herren wirt dich auffnehmen. Dennzumal wirstu ruffen/vnnd der Herr wirt dich erhören / du wirst schreyen/vnd er wirt sagen/Sihe/hie bin ich.

Esai. 58.
Epistel am
sambstag
nach dem a:
scher mitwo
chen.

Iso du anderst das joch von dir thust / vnnd auff hörest dein finger spizen/vnd eytelkeit zu reden. Sonder so du dich gänglich für den hungerigen darbeutest/vnd die ellende seel ersetzest/dennzumal wirt dein liecht in der firmament auffgehen/vñ dein tuncel wirt d mittag. Der Herr wirt dich alle weg leyten/vñ dein seel in der dürre ersetzigen. Deine gebein wirt er feyst machen/vnd du wirst wie ein wolgewässerter garten / vnd ein wasser quell des wasser nicht fälen. Von dir werden die alten wüsten erbawen/vnd du wirst ewige grundefeste auffrichten. Dich wirt man nennen ein verzeüner der lücken/vnd der den weg zur herberg macht. Ja so du dein süß abzeühest von dem Sabbath/deine lust zu volbringen an meinē heiligen tag/so wirstu den Sabbath/lustig vnd gepreist nennen dem heiligen des Herrn. Vnd so du in preisst / das du nicht deiner weiß nach handelst/vnd deinen eygen lust süchest / vnnd nichts redest/den so wirstu dich am Herren erlustigen / vnd ich will dich auff die höhe des lands führen/vnd dich speysen mit dem erb Jacobs deines vatters. Dan des Herrn mund hats geredt.

Ezech. 34.
Epistel am
montag nach
ch Inno.

Dann also spricht der herschende Herr / Sihe ich selbs wil meinen schafen nachfragen/vñ die süchen. Wie ein hirt sein heerd süchet / so sie weyt vmb in her verstreuet sind / gerad also wil ich auch meine schaff süchen/vñ sie von allen orten/dahin sie am wolckigen vnd nebligen tag verstreuet seind / erretten. Ich will sie von allen völkern außführen/vñ auß allen ländern zuhauff bringen/sie in jr landt zuführen/vnd auff den bergen Israel / in allen toben vnd wonungen des lands / weyden. Ich wil sie auff gütter weyd weyden / vnnd ire pferich sollen sein auff den hohen bergen Israel / da selbst sollen sie in ein gürtten pferich hauren/vnnd auff einer feysten weyd (auff den bergen Israel) ge-weydet werden. Ich will meine schaff selbs weyde (spricht der herschende Herr) vnd ein stellen. Ich will das verloren süchen/das verstoffen widerumb her führen/das geschedigt wil ich verbinden/vñ das schwach stercken/was aber feyst vnd starck ist/will ich verderben vnd sie mit gericht weyden.

Esai/55.
Epistel am
dinstag nach
ch Inno.

Sucht den Herrn/dieweil man in finden mag / Schreyet in an / dieweil er nahe ist. Verlaß der Gottlos sein wesen / vnd ein yeder die üppigkeit seiner gedancken/vnd wende sich wider zu dem Herrn / so wirt er sich sein erbarmen/vnd zu vnserem Got/so wirt er jm reichlich verzeihen. Dan meine gedanken seind nicht ewern gedanken gleich / vnd meine wege nicht wie die ewern/spricht der Herr. Dann so hoch der himel von der erden ist / so hoch seind auch meine weg von den ewern / vnd meine gedanken von ewern gedanken / Vnd wie der regen vnd der schnee der von himmel kompt nicht widerkert/bis er das landt wässert/fruchtbar vnd grünen macht/das es dem säer samen / vnd dem esser speiß gebe. Gerad also wirdt auch mein wort das von meinem mund außgehet/nit leer wider zu mir keren/bis es außgericht was mich lustet / vnnd jm gelingt/darzu jchs geschickt hab.

3. Reg. 19.
Epistel mit
woch nach
Inuoca.

Habias kam gen Ber Seba in Juda / vnnd ließ seinen Knaben daselbs / Er Haber gieng hin in die wüsten ein tage reyse/vñ kam hinein/vñ setz sich vnder eine wacholdern/vñ bat/dz seine sele sturbe/vñ sprach / Es ist genüg / so nym

so nym nun Herr meine seele / ich bin nicht besser denn meine vätter / vnnnd legt sich / vnd schlieff vnder den wachholdern.

Vnd sihe / der Engel rürt in / vnd sprach zu jm / Stehe auff vnd is / Vnnnd er sah sich vmb / vnd sihe / zu seinen häupten lag ein geröstet brot / vnnnd ein kanne mit wasser / Vnd da er gessen vnd truncken hatte / legt er sich wider schlaffen / Vn der Engel des herrn kam zum andern mal wider / vnd rüret in / vn sprach / Stehe auff vnd is / den du hast ein grossen weg für dir / Vnd er stünd auff / vn aß / vnd tranck / vn gieng durch krafft der speyse vierzig tage vn vierzig nächt bis an den berg Gottes Horeb.

Vnd des herrn wort geschach zu mir sprechende. Was meint jr darmit / Das jr solchs sprichwort in dem land Israhel brauche / vnd sagen / Die vätter haben wintertrölen gessen / vnd den sünen ilgeren erst jre zän darvon. So war ich leb / spricht der herschende herr / sollet jr fort diß sprichwort in Israhel nymmer brauchen / Dañ sihe / mein seind alle menschen / es seyen gleich vätter oder sün / so sein sie mein / wölcher aber sündiger / der selbig wirdt sterben. So dan einer from ist / das er thüt was recht billich ist / Der auff den bergen nicht isset / Der seine augen nicht gegen den Gözen des hauß Israhels auffhebt / Der seins nächsten weib nicht verunreinigt / Der zu keiner trancken frauen gehet / Der niemands beleydiget / Der seinem schuldner sein pfand widergibt / Der niemands nichts mit gewalt nimpt / Der dem hungerigen sein speys mitteilt / Der den nackenden bekleydt / Der sein gelt nicht auff wücher leihet / Der kein übernutz nimpt / Der sein handt von der vnbilligkeit abzeücht / Der zwüsch en mañ vnd mann billich vnd trewlich handelt. Der in meinen sitten wandelt / vnd meine recht haltet / das er sie trewlich erstatte / Das ist ein gerechter man der wirt das leben haben / spricht der herschend herr.

Wenn nun diser ein son überkompt / der einschalt vnd blütuer gießer wirdt das er obgemelter stücken eins thüt / die andern aber nit alle haltet / sonder das er auff den bergen isset / oder seines nächsten weib verunreynigt / Der den elenden vnd dürfftigen beschwäret / Der etwas mit gewalt nimpt / Der das pfand nit widergibt / Der seine augen gegen gözen empor hebt / vn also einen gewel volbringt / Der auff wücher leihet / vnd einichen übernutz nimpt / Solt der leben / Neyn er wirdt nicht leben / weil er alle dise gewel gethon hat / so muß er sterben / vnd sein blüt wirt über jm sein.

So nun ein sollicher auch ein son überkompt / der die sünde seines vatters / die er volbracht hat / sihet / vnd das er des gleichen nicht handelt / also / Das er nicht auff den bergen isset / Seine augen gegen den gözē des hauß Israhels nit auffhebt / Seines nächsten weib nicht verunreynigt / niemants beleydiget / niemants pfände / nichts mit gewalt nimpt / Dem hungerigen sein speys mitteilt / Den nackenden bekleydet / Mit dem elenden keinen gewalt treibt / Weder wücher noch übernutz nimpt / Meine recht haltet / vnd in meinem sitten wandelt / Der selbig wirt nicht in seines vatters misse that sterben / sonder leben werden. Sein vatter aber / die weil er gewalt getriben / vnnnd seinem brüder etwas mit freuelm gewalt genommen / vnd nichts güts vnder sein volck gehandelt hat / Sihe / der wirt in seiner misse that sterben.

Nun sprechet jr / Warumb solt dan diser son seines vatters misse that nit tragen / Antwort / Der son hat gehandelt wie recht vnd billich was / vnd hat alle meine sitten gehalten / ond sie volbracht / darumb sol er auch leben.

En yeder mensch der da sündiget / muß selbs sterben / Der son wirt die misse that des vatters nicht tragen / so wirdt auch der vatter des sons misse that nicht tragen / Des gerechten fromkeit wirt über jm sein / vnd des gotlosen schalckheit auch über jm.

Ezech. 18.
Epistel don
nerstag na
ch Inuoca.

Ezech. 38.
Epistel am
freitag na
ch Inuo.

Wo sich aber der Gottlos von allen seinen sünden die er begangen hatt / bekert / das er meine sitten alle halt / vnd thüt was recht vnd billich ist / so wirt er lebendig bleiben vñ nicht sterben / Es sol auch seiner büberey aller samen die er ye begangen hat / nymmer mer gedacht werden / sonder wirt in seiner fromkeit so er geübt hat / leben. Oder solt ich einen lust (spricht der herr sehende herr) an des gotlosen todt tragen? neyn / das aber ist mein lust / das er sich von seinem we sen bekere / vnd lebe.

Dar gegen / wañ der gerecht seiner fromkeit abstehet / vñ vnbillich handelt / das er alle greuel des Gotlosen übet / solt der leben? Ja aller seiner fromkeit die er yemaln gethan hat / wirt nymmer mer gedacht / sonder muß in seinem mißgriff / mit dem er sich vergriffen / vñ in seiner sünd / mit deren er sich versündigt hat / sterben. Sagten jr dan / der herr hat nicht ein rechte weiß vor jm. So höre nun o hauß Israel / Hab ich nicht ein rechte weiß vor mir? oder habt jr nicht vil mer ein vnweiß vor euch? Dann wen der gerecht seiner fromkeit abstehet / vñ vnbillich handelt / so muß er ye darob sterben / Ja in seinem vnbillichen / das er gehandelt hat / muß er sterben. Der widerumb / wañ sich der Gottlos von seiner schalckheit / mit der er vmbganden ist / bekert / vnd thüt nun was recht vnd billich ist / der wirt sein seel beym leben behalten. Ja darumb das er ein auffsehens het / vnd sich von seiner schalckheit / die er geübt / bekert / wirt er leben vnd nit sterben.

Daniel. 19.
Epistel am
montag na
ch dē. ij. son
tag in 8 fa
sten Xemi.

Vnd nun o Herr vnser Got / der du dein volck mit starcker hand auß Egypten gefürt hast / damit du dir ein namen gemacht / der noch heuts tags bleibt. Wir haben ye gesündigt vnd Gottlos gehandelt / ach Herr laß doch mit dein zorn vnd grymmen ab / von der stat Hierusalem dein heiligen berg / angesehen all dein gerechtigkeit / Dañ vmb vnserer sünd vnd vmb vnserer vätterer mißhatten willen / ist Hierusalem vnd dein volck / von allen vmb vns her ligenden verschmächet worden. Vñ nun vnser Got / höre das gebet deines knechtes vñ sein flehen / ach laß dein angesicht über dein heiligthumb von deiner heiligkeit wegen leuchten / O mein Got / neyg dein oz vnd hör / thü auff dein augen vnd sihe vnser verwüstung / vnd der stat über wölche dein nam angerüfft ist / dann wir flehen nicht auff vnser fromkeiten hin von dir / Neyn wir / sonder allein auff dein grosse barmherzikeit. O Herr höre / ach Herr verzeihe / O Herr merck auff verzeichs nicht / sonder thüs von deint wegen / O mein Gott / dann dein nam ist über dein stat vnd volck angerüfft worden.

1. Regū. 17.
Epistel am
dinstag na
ch dē. ij. son
tag in 8 fa
sten Xemi.

DA kam das wort des Herrn zu jm vnd sprach / Mach dich auff / vnd gehe gen Sarpath / wölche bey Sidon ligt / vnd bleib daselbs / denn ich hab daselbs einer wiewin gebotten das sie dich versorge / Vnd er machte sich auff vnd gieng gen Sarpath / Vnd da er kam an die thür der stat / sihe / da war die wiewin / vnd laß holtz auff / Vnd er rieß jr vnd sprach / Hole mir ein wenig was ser im gefeß / das ich trincke / Da sie aber hin gieng zu holen / rieß er jr vñ sprach / Bring mir auch ein bißsen brots mit / Sie sprach / So war der Herr dein Gott lebet / ich hab kein brot / on ein handtuol mehls im Cad / vnnd ein wenig öles im krüge / vnd sihe / ich hab ein holtz oder zwey auffgelesen / vnnd gehe hinein / vnd will mir vnd meinem son zurichten / das wir essen vnd sterben.

Elia sprach zu jhr / Fürcht dich nicht / gehe hin / vnnd machs wie du gesagt hast / doch mach mir am ersten ein Kleins brot dauon / vnd bringe mirs heraus / dir aber vnd deinem son soltu darnach auch machen / den also spricht der Herr / der Gott Israel / Das mehl im Cad soll nicht alle werden / vnd dein ölkrüg soll nichts mangeln / biß auff den tag / da der Herr regen lassen wirt auff erden / Sie gieng hin / vnd machet wie Elia gesagt hatte / vnd er aß / vnd sie auch / vñ jr hauß ein zeit lang. Das mehl im Cad wardt nicht alle / vnnd dem ölkrüge mangelte

mangelte nicht/nach dem wort des HERRN/das er geredet het durch Elia.

Aber Wardochens bettet zu dem Herrn/vnd gedacht aller seiner werck/
vnd sprach/O Herr herr almechtiger König/ alle ding sein gesetzt in deym
nem gebot/wilt du behalten Israhel/Er ist nicht/der da müg widerste-
hen deinem willen. Du hast gemacht den hymel vnd die erden/vnd was dings da
beschlossen wirt in dem vmbgang des hymels/Du bist ein Herr aller/er ist nie-
der da widersteher deiner maiestat. Du hast erkant alle ding/vnd weißt/das
ich diß hab gethan/vmb kein hoffart vnd schmach oder laster/vnd vmb kein
geyzigkeit der glori oder ehre/aber das ich nicht anbette den aller hoffertig-
sten Aman/wann gern wer ich gewesen bereit/ya auch zu küssen die füßstap-
fen seiner füesse vmb das heyl Israhel/aber ich fürchtet/das ich velleicht nicht
übertrüge die ehr meines Gottes zu dem menschen/vnd das ich niemande an-
bette on meinen Got. Vnd nun o Herr König Gott Abraham/erbarme dich
deines volcks/wann vnser feind wollen vns verliesen/vnnd dein erb vertilgen.
Nicht verschmech deinen teil/den du dir hast erlöset von Egypto. Erhöre mein
gebet/vnd biß genedig dem loß vnd dem seyl deines erbs/vnd ker vnser weinen
in freude/O Herr das wir lebendig loben deinen namen/vnd das du nicht be-
schliessest die münde der/die dich loben.

Also spricht der Herr/Verflucht ist der man/der sich auff den menschen
verläßt/vnd fleisch für seinen arm helt/vnd mit seinem hertzen von dem
Herrn abweicht. Er wirt gleich sein einer wacholder stauden in der wü-
sten/vnd wirdt nicht gewar so glück kompt/sonder müß in der dürren wüsten
in ein gesalzenen vnwonsamen land wonen. Gesegnet ist der man/der sein ver-
trauen auff den Herrn setzt/vnd des hoffnung der Herr ist/er wirt gleich sein
ein baum/der am wasser gepflantz ist/vnd neben dem bach her wurzelt/ob
schon hitz kompt/wirdt er sich nicht entsetzen/sonder sein bletter werden grün
bleiben. Er wirt auch in den trucknen jaren nicht sorgfelig sein/vnd nit auff-
hören frucht zu bringen.

Ein schalckhafftig hertz ist über alle kranckheit/wer keints aber? Ich der
Herr bins der das hertz ergründet/vnd die nyeren brüßt/einem jeglichen nach
seinem wesen/vnd nach der frucht seiner wercken zu geben.

Hört lieber was mir doch träumet hat/Wich daucht wir bünden gar-
ben auff dem feld/vnd mein garbe richtet sich auff/vnd stund/vnd ewer
garben vmbher bückten sich gegen meiner garben. Da sprachen sein brü-
der zu jm/Soltestu vnser König werden/vnd über vns herschen? Vnd wurden
jm noch feinder vmb seines traums vnd seiner rede willen.

Vnd er hette noch einen andern traum/den erzelet er seinen brüdern/vnnd
sprach/Schet ich hab noch einen traum gehabt/Wich daucht die Son vnd
der Mond vnd eylff sternen bückten sich vor mir. Vnd da das seinen vatter
vnd seinen brüdern gesagt ward/strafft in sein vatter/vnd sprach zu jm/Was
ist das für ein traum/der dir geträumet hat? Sol ich vnd dein müter vnd dein
brüder kommen/vnd für dich auff die erden fallen? Vnd seine brüder neydeten
jn/aber sein vatter behielt dise wort.

Da nun seine brüder hin giengen zu weiden das vich jres vatters in Sich-
em/sprach Israhel zu Joseph/Hüte nicht deine brüder des vichs in Sichem?
Kom ich wil dich zu jn senden. Er aber sprach/Wie bin ich. Vnd er sprach/Sehe
hin/vnd sihe/obs wol stehe vmb deine brüder/vnd vmb das vich/vnd sage mir
wider/wie sichs helt. Vnd er sandte jn auß dem tal Hebron/das er gen Sich-
em gienge.

Da sand ihn ein man/das er irre gieng auff dem felde/der fraget jhn/vnd
sprach/Wen suchstu? Er antwort/Ich such meine brüder/lieber sag mir an wo

Hester. 13
Epistel mit
woch in der
fasten nach
Reminis.

Jerem. 17
Epistel
donnerstag
nach dem ij
Sonntag in
der Fasten
Reminisce.

Gen. 37
Epistel am
Freyttag
nach dem ij.
sonntag in 8
fasten Remis-
niscere.

sie hütten. Der man sprach/Sie sind von dannen zogen/dann ich hörte/das sie sagten/Laßt vns gen Dothan gehen. Da volget Joseph seinen brüder nach vnd sand sie zu Dothan.

Als sie in nu sahen von fern/ehe dan er nahe bey sie kam/schlugen sie an/das sie in tödten/vñ sprachen vnder einander/Sihe der träumer kompt daher/so kompt nun/vnd laßt vns in erwürgen/vnd in ein grüben werffen/vnd sagen/ein böses thier hab in gefressen/so wirt man sehen/was seine träum sind.

Do das Ruben hörte/wolt er in auß jren händen erredten/vñ sprach/Laßt vns nicht ein seele schlachen. Vnd weiter sprach Ruben zu jm/Laßt vns nicht blüt vergießen/sonder laßt vns in in die grüben werffen/die in der wüsten ist/vnd die hande nicht an in legen. Er wolt in aber auß jrer hande erredten/das er in dem vatter wider brecht.

Gen. 27
Epistel am
Sambstag
nach dem ij.
sonntag Re-
miniscere in
der Fasten.

Da sprach Rebecka zu Jacob irem son/Sihe ich hab gehört deinen vatter reden mit Esau deinem brüder/vnd sagen/Bring mir ein wilprät/vnd mach mir essen/das ich esse vnd dich segene vor dem Herrn ehe ich sterbe. So höre nun mein son mein stym/was ich dich heysse/Gehe hin zu der herde/vnd hole mir zwey güte böcklin/das ich deinem vatter ein essen dauon mache/wie ers gern hat/das solt du deinem vatter hinein tragen/das er esse/auff das er dich segene vor seinem todt.

Jacob aber sprach zu seiner mütter Rebecca/Sihe mein brüder/Esau ist rauch vnd ich glatt/so möcht villiche mein vatter mich betasten/vnd würd vor im geacht/als ich in verleitet/vnd brecht über mich ein fluch/vnd nicht ein segen. Da sprach sein mütter zu jm/Der fluch sey auff mir/mein son gehorche nur meiner stym/gehe vnd hole mir. Da gieng er hin vnd holt vnd bracht seyner mütter.

Da macht seine mütter ein essen/wie sein vatter gern hette/vñ nam Esaus jrs grössern sons köstliche kleider/die sich bey sich in hauß hette/vnd zog sie Jacob an irem kleinern son. Aber die fell von den böcklin thet sie im vmb seine hände/vnd wo er glatt war am halse/vñ gab also das essen mit brot/wie sie es gemacht hette/in Jacobs handt jrs sons.

Vnd er bracht hinein zu seinem vatter/vnd sprach/Mein vatter. Er antwort/Die bin ich/wer bistu mein son? Jacob sprach/Ich bin Esau dein erstgebomer son/ich hab than/wie du mir gesagt hast/stand auff/setz dich/vnd ysse von meinem wilprät/auff das mich dein seele segene. Isaac aber sprach zu seynem sün/Mein sün/wie hastu so bald funden? Er antwort/Der Herr dein Got bescheret mirß. Da sprach Isaac zu Jacob/Trit her zu/mein sün/das ich dich betaste/ob du seyest mein son Esau/oder nicht. Also trat Jacob zu seinem vatter Isaac. Vnd da er in betastet het/sprach er/Die stym ist Jacobs stym/aber die hände sind Esaus hände. Vnd er kante in nicht/dann seine hände waren rauch/wie Esaus seins brüders hände/vnd segnet in.

Vnd sprach zu ihm/Bistu mein son Esau? Er antwort/Iha ich bins. Da sprach er/So bring mir her/mein son zu essen vñ deinem wilprät/das dich mein seele segene. Da bracht ers im/vnd er aß/vnd trüg im auch wein hinein/vnd er cranck/vnd Isaac sein vatter sprach zu jm/Kom her vnd küsse mich/mein son. Er trat hinzu/vnd küsst in. Da roch er den geruch seiner kleider/vnd segnet in/vnd sprach/

Sihe der geruch meines sons ist wie ein geruch des felde/das der Herr gesegnet hat/Got geb dir vom raw des hymels/vnd von der fettigkeit der erden vnd kom vñ weines die fülle. Vöcker müssen dir dienen/vñ leute müssen dir zu füsse fallen. Sey ein herr über deine brüder/vnd deiner mütter kinder müssen dir zu füssen fallen. Verflucht sey wer dir flucht/Gesegnet sey wer dich segnet.

Als

Als nu Isaac volendet het den segen über Jacob/ vnd Jacob kaum hinaus
gangen war von seinem vatter Isaac/ da kam Esau sein brüder von seiner ya-
gendt/ vnd macht auch ein essen/ vnd trügs hinein zu seinem vatter/ vñ sprach
zu jm/ Staud auff mein vatter/ vñ yß von dem wilpret deines sones/ das mich
dein seele segene. Da antwort jm Isaac sein vatter/ Wer bistu? Er sprach/ Ich
bin Esau dein erstgeborner sün. Da ensazt sich Isaac über die maß seer/ vnd
sprach/ Wer? wo ist dann der yäger/ der mir bracht hat/ vnd ich hab von allem
gessen/ ehe du kamest/ vnd ich hab in gesegnet. Er wirt auch gesegnet bleiben.

Als Esau dise rede seines vatters höret/ schrey er laut/ vñ ward über die
maß betrübt/ vnd sprach zu seinem vatter/ Segne mich auch mein vatter. Er
aber sprach/ Dein brüder ist kōmen mit list/ vnd hat deinen segen hin weg. Da
sprach er/ Er heist wol Jacob/ dan er mich nun zwey mal vndertretten/ Ney-
ne erste geburt hat er dahin/ vnd sihe nun nympt er auch meinen segen. Vnd
sprach/ Hastu mir nicht einen segen vorhalten?

Isaac antwort vnd sprach zu jm/ Ich hab in zum herren über dich gesetzt/ vñ
alle seine brüder hab ich in zu knechten gemacht/ mit korn vnd wein hab ich in
verschen/ was soll ich doch dir nun thun/ mein son? Esau sprach zu seinem vat-
ter/ Hastu denn nur ein segen/ mein vatter? Segene mich auch mein vatter.
Vnd hüß auff seine stym/ vñ weynet. Da antwort Isaac sein vatter/ vnd
sprach zu jm/

Sihe da/ du wirst ein fette wonung haben auff erden/ vnd vom taw des hy-
mels von oben her.

N Aeman der feldhauptman des königs zu Syrien/ war ein trefflicher
man vor seinem herren/ vnd angesehen/ dann durch in gab der Herr heyl
in Syrien/ vnd er war ein gewaltiger man/ vñnd außsezig. Die Kriegs-
leüt aber in Syrien waren heraus gefallen/ vnd hetten ein kleine dierne weg
geführt auß dē land Israhel/ die war am dienst des weibs Naeman/ die sprach
zu jrer frawen/ Ach das mein herr were bey dem propheten zu Samaria/ der
würde in von seinem aussatz los machen. Da gieng er hinein zu seinem herren/
vnd sagets jm an/ vnd sprach/ So vnd so hat die dierne auß dem land Israhel
geredt. Der könig zu Syrien sprach/ So zeuch hin/ ich wil dem könig Israhel
ein brieff schreiben.

der könig 5.
Epistel mö
tag nach dē
in. Sontag
in der fastē
Sculi.

Vnd er zoch hin/ vnd nam mit sich zehen centner sylbers/ vnd sechs tausent
gülden/ vnd zehen feyer kleider/ vnd bracht den brieff dem könig Israhel/ der
laut also/ Wenn diser brieff zu dir kōmpt/ sihe/ so wisse/ ich hab meinen knecht
Naeman zu dir gesandt/ das du ihn von seinem aussatz los macheest. Vnd da
der könig Israhel den brieff laß/ zureiß er seine kleider vnd sprach/ Bin ich deñ
Got/ das ich tödten vnd lebendig machen künd/ das ich den man von seinem
aussatz los mache/ merckt vnd sehet/ wie sücht er vrsach zu mir. Da das Elisa
der man Gottes höret/ das der könig Israhel seine kleider zurissen hett/ sandet
er zu jm/ vnd ließ jm sagen/ Warumb hastu deine kleyder zurissen? Laß ihn zu
mir kōmen/ das er ynne werde/ das ein prophet in Israhel ist.

Also kam Naeman mit rossen vnd wagen/ vnd hielt vor der thür am hause
Elisa. Da sandte Elisa einen botten zu jm/ vnd ließ jm sagen/ Gehe hin/ vñnd
wasche dich siben mal im Jordan/ so wirt dir dein fleisch wider stattet vñ reyn
werden. Da erzürnet Naeman/ vnd zog weg/ vnd sprach/ Ich meinete/ er solt
zu mir heraus kōmen/ vnd her treten/ vnd den namen des Herren seins Got-
tes anruffen/ vnd mit seiner handt über die stet faren/ vnd den aussatz also ab-
thün. Seind nit die wasser Amana vnd Pharphar zu Damascōn besser denn
alle wasser in Israhel/ das ich mich drinne wüsch vnd reyn würde. Vñ wandt
sich/ vñnd zog weg mit zorn. Da machten sich seine knecht zu jm/ vñnd redten

mit jm/ vnd sprachen/ Vatter/ wenn dich der prophet etwas grössers hette ge-
heissen/ soltestu es nit thun/ wie vil mer/ so er zu dir sagt/ wasch dich/ so wirstu
reyn. Da steyg er ab/ vnd tauffet sich im Jordan sibem mal/ wie der man Gots
tes geredt hätte/ vnd sein fleisch ward wider statret/ wie ein fleisch eins jungen
Knaben/ vnd ward reyn.

Vnd er keret wider zu dem man Gottes sampt seinem ganzen heer/ vnd da
er hinein kam/ trat er für jm/ vnd sprach/ Siehe ich weiß das kein Got ist in al-
len landen on in Jsrabel.

Reg. 4
Epistel am
dinstag nach
dem iij. son-
tag Sculi
in der faste.

Des schrey ein weib vnder den weibern der kinder der propheten zu Elis
sa/ vnd sprach/ Dein knecht mein man ist gestorben/ so weißtu/ das er dein
knecht den Herren fürchtet/ Tu kompt der schuldher/ vnd wil meine bey-
de kinder nemen zu eignen knechten. Elisa sprach zu jr/ Was soll ich dir thun?
Sage mir/ was hastu im hauser? Sie sprach/ Deine magd hat nichts im hauf
dann einen ole krug. Er sprach/ Gehe hin/ vnd bitte draussen von allen deinen
nachbarn lere gefes/ vnd derselben nicht wenig/ vnd gehe hinein/ vnd
schleuß die thür hinder dir zu mit deinen sönen/ vñ geuß in alle gefes/ vnd wenn
du sie gefüllet hast/ so gib sie hin.

Sie gieng hin vñ schloß die thür hinder jr zu sampt iren sönen/ die brachtē jr
die gefes zu/ so goß sie eyn/ vñ da die gefes vol waren/ sprach sie zu jrē son/ Lang
mir noch ein gefes her. Er sprach zu jr/ Es ist kein gefes mer hie. Da stund dz
ole. Vñ sie gieng hin vñ sagts dem man Gottes an. Er sprach/ Gehe hin verkauff
dz ole/ vñ bezal dein schuldher/ du aber vñ deine söne nehret euch vñ dem über-

Exod. 3.
Epistel am
mitwochen
nach dem iij
sonntag Scu-
li in der Fas-
ten.

Du solt dein vatter vnd dein mütter ehren/ auff das du lang lebest (rigen-
im land das dir der Herr geben wirt.

Du solt nicht töden.

Du solt nicht ehebrechen.

Du solt nicht stelen.

Du solt kein falsch gezeugnis geben wider deinen nechsten.

Du solt dich nicht lassen gelüsten deines nechsten hauf.

Du solt dich nit lassen gelüste deines nechste weifs/ noch seins knechts/ noch
seiner magd/ noch seins ochsen/ noch seins esels/ noch alles dz dein nechster hat.

Vnd alles volck sahe den donner vnd blyz vnd den dhon der püsaunen vñnd
den berg rauchen/ vnd forcht sich/ vnd wanceten vnd tratten von ferne/ vnd
sprachen zu Mose/ Rede du mit vns/ wir wöllen gehorchen/ vnd laß Got nicht
mit vns redē/ wir möchten sunst sterben. Mose aber sprach zum volck/ Fürcht
euch nicht/ dann Got ist kommen/ das er euch versüchte/ vñnd das sein forcht
euch vor augen were/ das jr nicht sündiget.

Vnd das volck trat von ferne/ aber Mose macht sich hinzu ynß dunckel/ da
Got ynng war/ vnd der Herr sprach zu jm/ Also soltu den kindern Jsrabel sa-
gen/ Ir habt gesehen/ das ich mit euch von himel geredt hab/ darumb solt ihr
nichts neben mir machen/ sylbern vnd güldene götter solt jr euch nit machen.
Ein altar von erden mach mir/ darauff du dein brandtopffer/ dein schaff vnd
rinder offerst. Dann an wölichem ort ich meines namens gedechtnis mache/
da wil ich zu dir kommen/ vnd dich segenen.

Jerem. 7
Epistel am
donnerstag
nach dem 3.
sonntag Scu-
li in der Fas-
ten.

Das ist das wort/ welches zu Jeremia von dem Herrn geschach/ sagende/
Stell dich vnder thor des Herren hauf/ vñnd schrey daselbst auß dieses
wort/ vnd sprich/ Ir alle auß Juda/ die jr durch dise thor ingehet den her-
ren anzubere/ höret des Herren wort.

Also spricht der Herr Zebaoth ein Got Jsrabels/ Bessert ewer wesen vñnd
tharten/ so wil ich bey euch an disem ort wonen. Ir solt euch nicht auff betrige-
rey verlassen/ das jr spricht/ Der tempel des Herren/ Der tempel des Herrn/

Der

Der tempel des Herrn ist hie. Vil mer so jr ewer wesen vnd thaten bessert/ vnd zwischen yemandes vnnnd seinem nechsten recht spricht/ dem frembden/ dem weislin vnd der wirwen nicht gewalt thünd/ auch so jr vnschuldig blüt an diesem ort nicht vergießet/ vnd frembden götten nicht nachwandelte/ euch zu vngüt/ so wil ich bey euch an diesem ort wonen/ im land/ welchs ich ewern vättern von welt zu welt geben hab.

Und die kinder Israhel kamen mit der gantzen gemeine in die wüsten Sin/ im ersten monden/ vnd dz volck blib zu Kades/ vnd Miriam starb daselbs vnd ward daselbs begraben/ vnd die gemein het kein wasser/ vnd versamleten sich wider Mosen vnd Aaron/ vnd das volck haderte mit Mose/ vnd sprach/ Ach das wir umbkommen weren/ da vnser brüder umbkamen vor dem Herren/ warumb habt jr die gemein des Herren in die wüsten bracht/ das wir hie sterben mit vnserm vich? vnd warumb habt jr vns auß Egypten geführt an diesen bösen ort/ da man nichts sehen kan/ da weder seygen/ noch weinstöck/ noch granatöpffel seind/ vnd ist darzu kein wasser zu trincken.

Mose vnd Aaron die giengen von der gemeine zur thür der hütten des zeugniss/ vnd fielen auff jr angesicht/ vnd die herrligkeit des Herren erschien in. vnd der Herr redet mit Mose/ vnd sprach/ Nym den stab vnd versamle die gemeine/ du vnd dein brüder Aaron/ vnnnd redet mit dem fels vor jren augen/ der wirt sein wasser geben. Also soltu in wasser auß dem fels schaffen/ vnd die gemeine trencken/ vnd jr vich.

Da nam Mose den stab vor dem Herren/ wie er im gebotten hette/ vñ Mose vnd Aaron versamleten die gemeine für den fels/ vnd sprach zu jnen/ Höret jr widerspenstigen/ Werden wir euch auch wasser schaffen auß diesem fels? vñ Mose hüß seine handt auff/ vnnnd schlug den fels mit dem stab zwey mal/ da gieng vil wassers her auß/ das die gemeine tranck/ vnd jr vich.

Der Herr aber sprach zu Mose vnd Aaron/ Darumb das jr nit an mich glaube habt/ das jr mich heiligeret vor den kindern Israhel/ solt jr dise gemeine nit in das landt bringen/ das ich in geben werd. Das ist das hader wasser dar über die kinder Israhel mit dem Herrn haderten/ vñ er geheiligt ward an jnen.

In man war in Babylone/ des nam war Joachim/ vnd er nam ein weib/ mit namen Susanna/ die tochter Helchie/ ein gar schöne/ vnd fürchtendt Got/ wann jr vatter vnd mütter/ so sie waren gerecht/ sie lereten jr tochter nach der Ehe Moysi. Aber Joachim war gar reych/ vnd ein baumgart war nahe bey seym hauß/ vnd die Juden samleten sich zu ihm/ darumb das er war der erberst aller. vnd zwen alt vriteiler waren gesetzt in dem jare/ von den der Herr hat geredt/ Wan die böshheit ist außgangen von Babylone von den alten vriteilern/ die da waren gesehen zu regiren das volck. Dise kamen emssiglich zu dem hauß Joachim/ vnd alle die da hetten die vriteil/ die kamen zu ihm. Da aber das volck war wider gekeret zu mittem tag/ Susanna gieng ein/ vñ gieng in dem baumgarten jres mañß/ vñ die alten sahen sie täglich eingehen/ vnd darin hin vnd her gehen/ vñ sie brannen in jrer begire. vnd sie verkereten jren syñ/ vnd neigten jre augen/ das sie nicht sahen den himel/ noch gedachten der gerechten vriteil/ wan sie waren beid verwundet in jrer liebe/ sie zeigten nit an eyinander jren schmerzen/ wann sie schämten sich zu zeigen jr begirlichkeit/ das sie wolten gemeinsamen mit jr. vnd sie vermerckten sie täglich sorgsamlich sie zu sehen. vnd der ein sprach zu dem andern/ Wir gehen heim/ wan es ist die stund des morgen essens. Sie giengen auß/ vnd schieden sich von einander/ vnd sie waren wider gekeret/ sie kamen zu samen/ vnd forscheten von einander sach/ vnd verryahen jr begirlichkeit/ vnd setzten in alsdann ein zeit in gemeyn/ wen sie sy möchten finden allein. vnd es ward gethan/ da sie vermerckten ey

Num. 20.
Epistel
am freytag
nach dem 3.
sonntag Scilicet
in der Fasten.

Dan. 13.
Epistel am
Sambstag
nach Scilicet
in 8 fasten.

nen zimlichen tag. Sie gieng ein zu zeiten als gestern vñ ehegestern allein mit zweyen jren diernen/vnd wolt sich waschen in dem baumgarten/wann es war die hitz. vnd da war keiner dan die zwen alten verborgen/vnd sie schaweten sie. Vnd sie sprach zu den diernen/Binget mir das öl/vnd die sayffen/vñ beschlieset die thüre des baumgarten/das ich mich wasche. Vnd sie thotten als sie hee gebotten/vñ beschloffen die thür des baumgarten/vñ giengen auß durch das hinder thürlein/das sie brechten die ding/die sie het geheischen/vñ sie wiste nie/das die alten inwendig verborgen ware. Vnd da die diernen waren außgegangen/die zween alten stunden auff/vñ luffen zu jr/vnd sprachen/Sihe die thüre des baumgarten sind beschloffen/vnd nyemandt sicht vns/vnd wir sind in deyn er begire/umb dise sach verhenge vns/vnd gemeinsam mit vnns. Vnd ob du nicht wilt/so wöllen wir sage ein gezeugniß wider dich/das ein jüngling sey gewesen bey dir/vnd umb dise sach habest du gesandt die diernen von dir. Susanna erschufft get/vnd sprach/Die angst sind mir allenthalben. Wan ob ich diß thue/es ist mir der todt/ob ich sein nicht thue/jch empfleuch mit ewn händen. Aber besser ist's mir/dz ich falle on die werck in ewr hände/dan das ich sünde in dem angesicht des Herrn. Vnd Susanna schrey auß mit einer grossen stym. Es schrien auch die alten wid sie/vñ einer lieff vnd thet auff die thür des baumgarten. Vnd do die diener des hauß hetten gehört dz geschrey in dem baumgarten/sielen sie ein durch die hinder thür das sie sehen was dings es wer. Nach dem aber da die alten hetten geredt/die knecht scheinpten sich vast/wan nie kein solichs war gesagt worden von Susanna/vnnd es ward der morgenlich tag. Vnd da das volck war kommen zu Joachim jrem man/da kamen auch die zween priester vol böser gedanken wider Susannam/das sie sy tödten. Vnd sie sprachen vor allem volck/Sendet zu Susannam die tochter Helchie dem weib Joachim. Vnd zuhan sandten sie. Vnd sie kam mit jrem vatter vnd mit ter/vnd mit den sönen/vnd mit allen jren fründen. Vnnd Susanna war gar zart vnd zierlich's angesichts/vnd die bösen gebotten/das sie wurde emploßet/wan sie war bedeckt/das sie also wurden gesatt in jrer schön. Darumb die jren weyneten vnd alle die sie erkantten. Vnnd die zween priester stunden auff in die mitte des volcks/vnd legten jre händ auff jr haupt. Sie sahe auff zu dem himel vnd weynet/wenn jr hertz het zuuersicht im Herrn. Vnd die priester sprachen/Da wir giengen allein in dem baumgarten/dise gieng ein mit zweyen diernen vnd sie beschloß die thüre des baumgartens/vnd sandte die diernen von jhr/vnd ein jüngling der da war verborgen kam zu jr/vnd gemeinsamet mit jhr/vnd da wir waren in dem winckel des baumgartens/vnnd sahen die böshheit/wir luffen zu jr/vnd sahen sie gemeinsamen miteinander/vnd wir mochten jr aber nicht begreifen/wan er war stercker dan wir/Er thet auff die thür des baumgartens/er sprang darvon. Da wir aber dise hetten begriffen/wir fragten sie/wet der jüngling were/vnd sie wolt es vns nicht sagen. Dises dings sind wir gezeugen. Vnd die menig glaubet in als den alten des volcks vnd den vrey lern/vnd verdampfen sie zu dem todt. Aber Susanna schrey auß mit grosser stym/vnd sprach/O Herr ewiger Got/der du bist ein erkenner der verborgnen ding/der du erkennest alle ding ehe das sie werde gethan/du weißt das sie habē geredt ein falsche zeugniß wider mich/vñ sihe ich stirb/so ich nicht hab gethan keines der ding/die dise haben gedichtet bößlich wider mich. Vnnd der Herr erhört jre stym. Vnd da sie ward gefüret zu dem todt/Got erquicket den heyligen geyst eines jungen Kindes/des nam war Daniel/vnd der schrey mit grosser stym/Ich bin reyn von disem blüt. Alles volck umbkeret sich vnd sprach zu jm/Was ist das wort/das du hast geredt? Vnd da er stund in jrer mitte/da sprach er/Also seyt jr thoren jr Söne Israhel/nicht vnteilend noch erkennend

das

das da ist war / Ir habe verdammet die tochter Israhel. Kert wider zu dem vrtail / wann sie haben geredt falsche zeugnis wider sie / darumb das volck keret wider mit eylen. Vñ die alten sprachen zu jm. Kom vnd sitze in vnser mitte / vñ zeyg vns / wann Got hat dir geben die ehre des alters. Vnd Daniel sprach zu jm. Scheydet sie verr von einander / so will ich sie vrteylen / Darumb das sie wurden geteylet / einer von dem andern / da vordert er einen von jm / vnd sprach zu jm / Du alter der übeln tag / nun sein kommen dein sünde / die du zum erst hast gewürcke. Vrtellent die vngerechten vrtail / verdücketest du die vnschuldigen / vñ ledest die schedlichen / vnd der Herr spricht den vnschuldigen vñ den gerechten erschlag nicht / Darüb nun ob du sie hast gesehen / sage vnder welche baum sahest du sie reden mit einander. Er sprach vnder einem Eriehenbaum / vñ Daniel sprach. Recht hast du gelogen in dein haupt / Wann sehe der Engel des Herren hat empfangen das vrtayl von jm / vnd wirdt dich schneiden entzwey / vnd do diser ward hindan gefüret / do hieß er den andern kommen / vnd sprach zu jm / du same Chanaan vnd nicht Juda / die gestalt hatt dich betrogen / vñnd begirlichkeit hat verkeret dein hertze. Also therttet je den tochteren Israhel / vnd sie forchten sich vnd redten mit euch. Aber die tochter Juda hat nicht gelitten ewer bosheit. Darumb nun sage mir / vnder was baums begriffest du sie / das sie redten miteinander. Er sprach zu jm / vnder einem pflaumenbaum oder melbaum / vñnd Daniel sprach zu jm / Recht hast du auch gelogen in dein haupt / wann der Engel des Herrn beleibet / der da hat das schwert / das er dich haw mit entzwey vnd erschlach euch. Vnd alles volck schrey auß mit grosser styme vnd gesegneten Gott / der da behelt die da hoffen in jm / vnd sie stünden auff wider die zween priester / wann Daniel her sie überwunden auß irem mund das sie hetten gesaget falsche zeugnis. Vnd sie thertten in als sie hetten übel gethan wider den nechsten / das sie thertten nach der ehe Moysi / vnd sie erschlugen sie. Vñ das vnschuldig blut ward behalten an dem tag.

Zu der zeit kamen zwo huren zum könige vnd tratten für in / Vñnd das eine weib sprach / Ach mein Herr. Ich vñnd diß weyb wonet in einem hause / vnd ich gelag bey jr im hause / vñnd über drey tage da ich geboren hatte / gebar sie auch / Vnd wir waren beyeinander das kein frembder mit vns war im hause / on wir beyde / vnd diß weibs son starb in der nacht / den sie hatte in im schlaff erdrücket / vnd sie stünd in der nacht auff vnd nam meinen son von meiner seyten da deine magd schlieff / vnd legt in an iren arm / vnd iren todten son legt sie an meinen arm / Vñnd da ich des morgens auff stünd / meinen son zu seügen / sihe / da war er todt / Aber am morgen sahe ich in eben an / vñnd sihe es war nicht mein son / den ich geboren hatte.

Das ander weib sprach / nicht also / mein son lebt vnd dein son ist todt / Ihene aber sprach / nicht also / dein son ist todt vnd mein son lebt / vnd redten also für den könige / Vnd der könig sprach / Dise spricht / mein son lebt vnd dein son ist todt / ihene spricht / nicht also / dein son ist todt vnd mein son lebt / Vñ der könig sprach holet mir ein schwerdt her / vnd da das schwerdt für den könig bracht wardt / sprach der könig / Teylet das lebendig kindt in zwey teyl / vñ gebt diser die helffte / vnd ihener die helffte.

Da sprach das weib des son lebete zum könige (denn jr mütterlich hertz erbebet über iren son) Ach mein herr gebt jr das kind lebendig vñ tödret es nicht. Ihene aber sprach es sey weder mein noch dein / last es teylen / Da antwort der könig vñnd sprach / gebt diser das kindt lebendig vñnd tödrets nicht / die ist sein mütter. Vnd das vrtail erschall vor dem ganzen Israhel / das der könig gefellet hatte / vnd forchten sich für dem könige / den sie sahen das die weißheit Gottes in jm war / gericht zuhalten.

1. Reg. 3.
Epistel mös-
tag nach dē
iiij. sonntag
in der fastē
Leta.

Gene. 12.
Epistel dinstag
nach dem 3. son-
tag in der faste
Letare.

Der Herr sprach aber zu Mose/ gehe/ steyg hinab / den dein volck das du auß Egypten land gefüret hast/hats verderbt / sie seind schnell von dem wege getretten/den ich in gebotten hab/ Sie haben in ein gegossen kalb gemacht vnd habens angebetet vnd im geopffert vnd gesagt / das seind deine götter Israel/die dich auß Egypten landt füret haben/ Vn der sprach herr zu Mose/ Ich sehe dz ein halstarrig volck ist/ vñ nu/ laß mich/dz mein zorn über sie ergrymme/vnd ich sie auff fresse/ so will ich dich zum grossen volck machen.

Mose aber stehet vor dem Herrn seinem Gott vñnd sprach / Ach Herr warumb will dein zorn ergrymmen über dein volck / das du mit grosser krafft vnd starcker hand hast auß Egypten land gefüret/Warumb sollen die Egypter sagen vnd sprechen/er hat sie zu irem vnglück außgefüret/das er sie erwürget im gebirge/vñnd macht sie alle von dem erdboden: Eere dich von dem grymdeins zorns vnd sey gnädig über die bosheit deins volcks/ gedenck an deine diener Abraham/ Isaac vnd Israel / den du bey dir geschworen hast vnd in geredt / Ich will eweren samen mehren wie die stern am himel/vnd alles land das ich geredt habe/wil ich ewerem samen geben/vnd sollens besitzen ewiglich/Also geredet den Herrn das übel das er sager/das er seinem volck thün wölte.

Esai. 1.
Epistel mit
woch nach
dem 3. son-
tag in 8. fa-
sten Letare

Wascht euch/reinigt euch/thünd hinweg ewer bösen anschleg vor meinen augen/hört auff arges thün/lernet gütes thün/ forschet nach dem recht/helftet de vndergedrückten auff/richtet de weisen/handelt für die witwe.

Lieber kompt her/wir wöllen ein ander erkünden/spücht der Herr/ So ewer sünd rosinfarb sein würden/so werden sie schnee weiß/wann sie scharlach rot weren/so werden sie wie baumwol. Wann jr wölt vnd gehorchet / so solt jr des lands güte essen.

2. Reg. 4.
Epistel don-
nerstag nach
dem 3. son-
tag in 8. fa-
ste Leta.

En frau kam zu dem man Gottes auff den berg Carmel / Als aber 8 man Gottes sie gegen im sahe/sprach er zu seine knaben Gehasi/ Sihe / die Sunamitin ist da/so lauff jr nun entgegen vnd frage sie/ obs jr vnd irem man vnd son wol gehe/ Sie sprach/ wol/ Da sie aber zu dem man Gottes auff den berg kam/hielt sie in bey seinen füßen/Gehasi aber trat er zu das er sie abstieffe Aber der man Gottes sprach/laß sie/den jr seele ist betrübt / vnd der Herr hat mirs verborgen vnd nicht angezeygt/Sie sprach/wenn hab ich einen son gebeten von meinem Herrn:sagt ich nicht/du soltest mich nicht spotten.

Er sprach zu Gehasi/gürt deine lenden/vnd nim meinen stab in deine hand/vnd gehe hin/so dir yemandt begegnet / so grüsse in nicht / vnd grüßet dich yemandt/so dancke im nicht/vñnd lege meinen stab auff des knaben antliz. Die mütter aber des knaben sprach/So war der Herr lebt vnd deine seele/ich lasse nicht von dir/ Da macht er sich auff vnd gieng jr nach/ Gehasi aber gieng für in hin/vnd legt den stab dem knaben auff's antliz / da war aber kein stym noch sülen. Vnd er gieng widerumb im entgegen vnd zeygt im an vñnd sprach / der knabe ist nicht auffgewacht.

Vnd da Elisa ins hauß kam/sihe/da lag der knabe todt auff seinem bette/vnd er gieng hinein vnd schloß die thür zu für sie beyde / vnd bettet zu dem herren/Vnd steyg hinauff / vnd legt sich auff das kind / vnd legt seinen mund auff des kints mund/vnd seine augen/auff seine augen / vnd seine hände/ auff seine hände/vnd breytet sich also über in/ das des kints leib warm ward / Er aber stund wider auff/vnd gieng im hauß ein mal hieher vnd daher / vnd steyg hinauff vnd breytet sich über in. Da schnaubet der knabe siben mal/darnach thet der knabe seine augen auff. Vnd er rieff Gehasi/vnd sprach/rüff der Sunamitin/vñnd da er jr rieff/kam sie hinein zu im/Er sprach/da nym hin deinen son/ Da kam sie vnd fiel zu seinen füßen vnd bettet an zur erden / vnd nam iren son vnd gieng hin auß/vnd Helizens hat wider getert in galgala.

Werde

Ward des weibs seiner hauswirtin son Franck / vnd seine Franckheit war so seer hart / das kein atem mer in jm bleib / Vnd sie sprach zu Elia / Was hab ich mit dir zuschaffen du man Gots / du bist zu mir herein kommen / das meiner missethat gedacht / vnd mein son getödtet würde / Er sprach zu jr / Gib mir her deinen son / Vnd er nam jn von jren schoß vnd gieng hinauff auff den saldo er wonete / vnd legt jn auff sein bette / vnd rieff den Herrn an / vnd sprach / Herr mein Got / hastu auch der witwin / bey der ich ein gast bin / so übel than / das du jren son tödtest.

Vnd er maß sich über dem kind drey mal / vnd rieff den Herrn an / vnd sprach / Herr mein Gott / laß die seele dieses Kindes wider zu jm kommen / Vnd der Herr erhört die stym Elia / vnd die seele des kints kam wider zu jm / vnd ward lebendig / Vnd Elia nam das kind / vnd brachts hinab vom salins haus / vnd gabs seiner mütter vnd sprach / Siehe da dein son lebt / Vnd das weib sprach zu Elia / Nun erkenne ich das du ein man Gottes bist / vnd des Herren wort in deinem mund ist gewiß.

Alle die dürstig seind / die kommen vmb wasser / vnd welche kein gelt hab / en / die kommen kauffen vnd essen / Lieber kommet doch vnd kauffet on gelt vnd wehrt wein vnd milch. Warumb gebt jr ewer gelt vmb vnbrod auß / vnd ewer arbeit / darvon jr nit satte werdet. Mich solt jr fleißig hören / hört vnd lebt wol / das sich ewer seel in der fetze erlüstige / neygt ewer oren / vñ kompt zu mir / hört / so wirt ewer seel leben / dann ich will ein ewige bündniß mit euch machen / die trewe barmherzigkeit Davids. Siehe / ich hab in den völkern zu ein zeügen / zu ein Fürsten / vnd zu ein gebietter gesetzt. Siehe / du wirst ein vn bekanten volck rüffen / vñ die Heyden die dich nit kennen / werden zu dir laufen / von wegen des Herren deines Gots / vnd des heiligen Israels / der dich zu ehren gebracht hat.

Sücht den Herren / die weyl man jn finden mag / Schreyet jhn an / die weyl er nahe ist. Verlaß der Gottlos sein wesen / vnd ein yeder die üppigkeit seiner gedancken / vnd wende sich wider zu dem Herrn / so wirt er sich sein erbarmen / vnd zu vnserem Gott / so wirt er jm reichlich verzeihen. Dann meine gedancken seind nicht ewern gedancken gleich / vnd meine wege nicht wie die ewern / spricht der Herr. Dann so hoch der himel von der erden ist / so hoch seind auch meine weg von den ewern / vnd meine gedancken von ewern gedancken / Vnd wieder regen vñ der schnee ð von himel kompt nicht widerkert / biß er das land wässert / fruchtbar vnd grünen macht / das es dem säer samen / vnd dem esser speiß gebe. Gerad also wirt auch mein wort das von meinem mund auß gehet.

Noch ein mal geschach des Herren wort zu Jona sprechende / Wach dich nauff vnd gehe in die grosse Statt Ninue / do rüff den rüff welchen ich dir sage / gegen jr auß. Jona machte sich auß vnd zoch gen Ninue nach des Herren wort. Ninue aber was ein Statt Gottes / dreyer tagreiß groß Jona hüß an in die statt ein tagreiß lang zu gehen / er rüfft auß vnd sagt / Ninue müß noch in vierzig tagen vnder gehen. Vnd die leüt zu Ninue glaubten Gott / vnd rüfften ein vasten auß legten sect an / vom meysten biß auff den mindsten.

Solcher handel kam für den künig vñ Ninue / der stünd von seinem thron auff thet sein schauben von sich / vñ deckt sich mit einem sack / vnd setzt sich auff die äschen / Er ließ auß schreyen vñ zu Ninue sagen / Auß geschefte des künigs vnd seiner rāthen sagende / Es sollen leüt vnd viech / rinder vnd schaff / nichts weder anbeissen noch essen / noch wasser trinckē / sonder leüt vñ viech sollen sich mit säcken bedecken / vnd vnablässlich zu Gott schreyen / ja es soll sich ein yeder von seinem bösen wesen / vñ vom freuel den ein yeder vnder seinen händen hat /

1. Reg. 17.
Epistel freitag nach dē tiiij. son tag in der fastē Lctare.

Isai. 55.
Epistelsamstag in der fasten nach Leta.

Jona. 3.
Epistel montag nach Judic.

bekeren/ Dañ wer weyßt/ Got möcht vileicht wendig werden vnd sich rewen lassen / das er seines grymigen zorns abstünde/vñ wir nit verdürben. Da sahe nun Got jre werck/das sie sich von jrem bösen wesen bekert hetten/vnd lieh sich des vnglücks/wölchs er jnen zu beweisen geredt het/rewen/das ers nit thet.

Daniel. 14.
Epistel dinstag
in der
fasten nach
Judica.

DA wurden gesamlet die Babylonier vnd sagten zu dem König. Antwurt vns Danielem der da verwißet Bel / vñnd tödret den trachen anderst wir schlahen dich vnd dein hauß / Vnd da der König sach das sie vast vier len in jn/er ward bezwungen mit not vnd antwurt jn Danielem. Vnd sie legten jn in die grüben der lewen vnd er was da sechs tag/Wañ in der grüben waren siblen lewen vnd jn wurden täglich gegeben zwen leyb vnd zwey schaff/ vnd da wurden sie jn nit gegeben/das sie verzerten Danielem / Vnd Abacuck was ein weyßtag in Judea vnd der het gekochet ein gemüch vnd het geriben brot in ein veslein/vnd gieng auff das veld das er breche den schnitern/ Vnd der engel des herrn sprach zu Abacuck. Trag dz morgenessen/dz du hast in Babilon Danieli/ß da ist in der grüben der lewen/Vñ Abacuck sprach/ O herre Babylö ge sahe ich nie/vñ der grüben weyß ich nit. Vñ der engel des herrn begriff in bey seiner scheytel vñ trüg jn bey dē har seines haubts/vñ sagt jn in babilon auff die grüb in ð gehe seines geists/Vñ Abacuck ruffet sagen/ Daniel du diener Gots nim das morgenessen das dir Got hat gesandt. Vñ Daniel sprach Got du hast mein gedacht/vñ hast nicht gelassen die/die dich lieb haben. Daniel stünd auff vnd asse. Vnd der Engel des Herren setzet wider Abacuck zehand an sein stat. Darumb der König kam an dem sibenden tag das er beweynet Danielem/vnd kam zu der grüb vnd sach darcin/vñ sehet Daniel saß in mit der lewen. Vñ der König schrey mit grosser stymme sagend/ O Herre Got Danielis du bist groß. Vnd er zoch jn auß von der grüben/vñ die da waren ein visach seiner verdammis lieh er in die grüb/vnd sie wurden in einem augenblick verzert vor jm.

Leuit. 19.
Epistel mit
woch in der
fasten nach
Judica..

ICh bin der Herr ewer Got.
Ir solt nicht stelen/noch liegen/noch falschlich handeln einer mit dem andern. Ir solt nicht falsch schweren bey meinem namen vñnd entheiligen den namen deins Gottes/denn ich bin der Herr.

Du solt deinem nechsten nicht vnrecht thün noch berauben. Es sol des tag löners werck nicht bey dir bleyben bis an den morgen.

Du solt dem touben nicht flüchen. Du solt vor dem blinden kein anstoß setzen/denn du solt dich vor deinem Got fürchten/denn ich bin der Herr.

Ir solt nicht vnrecht handeln am gericht/vnd solt nicht fürziehen des geringen ansehen / noch ehren des grossen ansehen / sonder du solt deinen nechsten recht richten.

Du solt keinen verleümbder vnder deinem volck gehen lassen. Du solt auch nicht stehen wider deines nechsten blüt/Denn ich bin der Herr.

Du solt deinen brüder nicht hassen in deinem hertzen / sonder du solt deinen nechsten straffen/auff das du nicht seiner halb schuld tragen müßest.

Du solt dich nicht rechen/auch nicht wider willen behalten gegen die Kinder deins volcks.

Du solt deinen nechsten lieben/wie dich selbs/denn ich bin der Herr.
Meine sagung solt jr halten.

Danielis. 7.
Epistel don
nerstag na
ch Judic.

ABer Azarias stünd auff vñnd bat also/ o Herre Gott verwiß nicht dein gezeügnuß/noch nim ab dein erbermbde von vns / vmb Abraham de nen lieben/vnd Isaac deinem knecht/vñnd Israhel deinen heiligen / mit den du hast geredt/vñ gelobet/das du manigfaltigest jren samen/ als die stern des himels/vnd als den sand/der da ist im gestat des möhres/Wann O Herre/ wir seind/gemyndert meer/dann alle Heyden. Wir sein auch demürrigt in al ler erde

ler erde vmb vnser sünde. Vnd in diser zeit ist nicht der Fürst / noch der fürer vnd der weyffag. Noch das gang opffer / noch das opffer / noch das oblat / noch der weyrauch / noch die statt der ersten frucht vor dir / das wir mügen sünden die erbermbde / aber das wir werden auff genommen in dem betrübten gemütre / vnd in dem geist der demüthigkeit. Als in dem ganzen opffer / der Wider vnd der Stier / vnd als in tausenten der feyten lammern / also werde heur vnser opffer in deinem angesicht / das es dir gefallt / wañ die schandt ist nit den die sich versehen an dich. Vñ nun nachuolgen wir dir in ganzem hertzen / vnd fürchten dich vnd suchen dein antlig. Nicht schende vns / aber thue mit vnns nach deiner senfft müthigkeit / vnd nach der menig deiner erbermbde / vnd erlöß vns in deinen wundern / vnd o Herr gib die glori deinem namen vnd sie werden alle geschendet / die da zeygen die übel ding deinen knechten. Sie werden geschendet in allem gewalt / vnd jr krafft werde zertrüschet / vñ sie werden wissen das du bist allein Got & Herr / vnd hochwürdig auff dem vmbkreiß der erde.

Ale so dich verlassen / müssen zu schanden werden / vnd alle die abweichen werden ins erdrich geschriben / dan sie haben den Herrn selbs / ein brunnen lebendiger wasser verlassen. O Herr heyl du mich / so wird ich geheylt / hilff du mir / so wirt mir wol geholffen / dan du bist mein rhüm.

Siehe / sie sprechen zu mir / Wo ist's Herrn wort: lieber laß es kommen / so ich doch nie geeylet hab / das ich deines weydens abtöme / so hab ich auch des menschen tags nie begert / das weyßt du / vnd was auß meinen leffzen gehet / das ist vor deinem angesicht. Ach sey du mir nicht zu ein schrecken / weil du doch mein hoffnung bist / so es mir übel gehet / Geschend müssen werden alle die mich veruolgen / aber mich laß nicht zuschanden werden. Sie müssen erschrecken / aber mich laß nicht erschreckt werden. Laß einen tag des vnglücks über sie kömen / vnd zermal sie zwisach.

Sie sprachen / Wolauß laßt vnns etwas wider Jeremiam erdencken / dann das gesatz wirt nit vom puester verschwinden / noch der rath vom Klügen / nochs wort vom Propheten. Wolauß laßt vns jn mit der zungen schlagen / vnd seiner reden allersamen kein acht haben.

O Herr merck mir auff / vnd hör die stym meiner widersächer. Sol man böß vmb güts geben / das sie mein leben ein grüben gegraben haben. Ach gedencck das ich vor deinem angesicht gestanden bin / das ich jhrenhalb güts redte / vnd deinen grymmen von jnen abwendet. Derhalben solt du jre kinder hungert leyden lassen / vnd sie durchs schwert jagen / das jre weiber erblos vnd zu witten werden / das jre männer zu todt geschlagen / vnd jre beste manschafft mit dem schwerde im krieg erstochen werden / damit man jr geschrey höre auß jren häusern / das du über sie ein rott vnuersehenlich hast kommen lassen. Dan sie haben ein grüben gegraben mich zu fahen / vnd meinen süßen strick verborzen. Aber doch du Herr weyßt allen jren rathschlag & wider mich ist zu tödten / darüb soltu jnen jre missehat nit verzeihen / noch jre sünd vor dein angesicht aufstulgen / laß sie vor dir straucheln / vnd handel mit jnen zur zeit deines zorns.

Der herrschend Herr thet mirs or auff / vnd ich widerete mich sein nicht / vñ hab nicht hinder sich gezaufet. Ich hab mein rucken den schlahenden dar gebotten / vñ meine wangen den rupffenden. Mein angesicht hab ich vor schmach vnd speichel nicht verborzen. Vnd der herrschend Herr wirt mir helffen / der wegen ich nit zuschande wird. Darumb hab ich mein angesicht gesetzt wie ein kislingsstein / vnd weyßt das ich nit zuschanden wird. Mein rechtfertiger ist nahe / wer ist der mit mir zanken wöl: Laßt vns gegen einander stehen / wer ist der recht zu mir hab / der köme her an mich: Vñ war / & herrschend herr wirt mir helffen / wer ist's der mich zu ein bößwicht machen will: Schaw / sie

Jeremi. 17.
Epistel am freytag in 8 fasten nach Judica.

Jeremi. 18.
Epistel am sambstag in 8 fasten nach Judic.

Esai. 50
Epistel montag nach dem Palmtag

werden alsamen wie ein Kleyd verwesen / vnd die schaben werden es freffen.

Ist einer vnder euch der den Herrn fürchte / vñ der stym seines knechts gehorche der in finsternuß gewandelt / vnd keinen schein gehebt hat.

Jeremi. 11.
Epistel am
dinstag nach
den Palm
tag.

Der Herr thet mirs zu wissen das ichs weyß / vnd zeyget mir ire werck / aber ich ward dahin geführt zur schlachtung / wie ein handsam schafflin / vñ wist nicht das sie solchs wider mich geratschlagt hetten / sprechende / Wir wollen vnder sein speiß gifte mengen / vnd in also auß dem landt der lebendigen außrotten / das seines namens nimmer mer gedacht sol werden. Aber O Herr Zebaoth du gerechter richter / vnd ein künig der nieren vnd des hertzen / ich werde noch sehen das du sie rechen wirst / dan dir hab ich mein sach entdeckt.

Esai. 53.
Epistel mit
woch nach
dem Palm
tag.

Wer hat vnserm gerücht glaubt / vñ wölchen ist der arm des Herrn geöfent / vnd er ist vor jm auffgangen wie ein schoß / vnd wie ein wurzel auß ein dürren erdtrich. Er het weder gestalt noch zierd / wir sahen in / er het aber kein ansehen / das wir einen lust zu jm hetten. Er was der verachtetst vnd verworffentst man / ein schmerzhaftiger man / der da weyßt was krankheit ist wir haben in verschmächt / vnd so gar nichts geachtet / als einen vor dem mans angesicht verbitgt. Warlich er hat vnser krankheit auff sich genommen / vnd er selb hat vnser schmerzen getragen / vnd wir haben in dar für gehalten / Gott hab in geplagt vñ genidert. Aber er ist von vnser bösheyten wegen bis auff den todt verwundet / vnd von vnsern missthaten wegen ist er geschlagen worden Die züchtigung vnser frids ist über jm / vñnd durch seine beülen seind wir gesund worden.

Wir irren allsamen / wie ein schaff / ein yeder lügt seins wegs / aber der Herr hat all vnser missthaten auff in gelegt. Er ist dar gegeben vnd gepeiniget worden / noch hat er seinen mund nit auffgethon. Er ward geführt wie ein lamb zur metzung / vñ ist wie ein schaff vor seinem bescherer stum gewesen / vñ hat seiner mund nie auffgethon. Noch ist er von der angst vnd dem rechten genommen / vñ wer will sein geschlecht außsprechen. Dan er ist von der erd der lebendigen hin genommen / vnd in kompt sein plag von der schalckheit meines volcks. Er hat in die gortlosen für sein begräbnis / vñnd die reichen für seinen todt gegeben / darumb das er sich keines raubs gebraucht / vnd in seinem munde kein betrug gewesen ist.

Aber der Herr het lust in mit krankheit zuschlahen / vñnd so er sein seel zu ein schuldopffer gibt / wirt er einensamensäen vnd lang leben / vnd dem willen des Herrn wirt durch in gelingen. Er wirt sein eygene arbeyt säen vnd sat werden. Ein gerechter knecht wirt mit seiner kunst vilen gerechtigkeit schaffen / vnd er wirt ire missthat tragen / darumb will ich in teyl geben mit vilen / vnd mit den starcken wirt er die beüt außteylen / der wegen / dz er sein leben zum tod außgeschüt hat / vnd zu den böswichten gezelet ist. Dann er hat vilen sünd auff sich genommen / vnd die böswichten hat er vertreten.

Osee. 14.
Epistel am
freytag in
den fasten
im herbst.

Du Israhel beker dich wider zu dem Herrn deine Got / dan du hast vmb deiner missthat willen gestrauchelt / Fasset dise wort zu euch / vnd bekeret euch zu dem Herren sprechende / Verzeihe vns alle missthat / Nim dir güts für / so wollen wir sarrren mit vnsern leffzen bezalen. Assur soll vns nichts mer helfen / so wollen wir auch nicht mer auff pferden reiten / Auch wollen wir fort von vnserer handwerck nicht mer sagen / das es vnser Gott sey / weil das wäißle allein gnad bey dir findet / Dan so wolt ich jr verirrung heylen / vñ sie freywillig liebhaben / Ja mein zorn solt vñ jnen abstecken / vñ ich wolt Israhel wie ein raw sein / so wurde er da her bliuen wie ein rößlin / vñ seine wurzeln vmb sich schlahen wie der Libanon / seine junge zweyg würd sich weyt außbreyten / vnd so schön werden als ein ölbaum / so ein güttten geschmack würd er habē als

Libanon

Ausz dem alten Testament III.

Libanon/ So würden auch yhenige die vnder seinem schatten sitzen/widerkeren/ Vom korn würden sie erueret/ vnd wie ein rebstock bliuen/ Sein gedächtnis würd sein als die gedächtnis des weins Libanon.

Ephraim soll sprechen/ Was hab ich weiter mit den gözen zu schaffen? So wil ich in erhören/ vnd zu ihm schen/ Ich wil ihm sein als ein grüner buchsbäum/ vnd an mir wirstu dein frucht finden. Ist nun yemandrs witzig/ der vermerck sollichs/ oder ist yemandrs verständig/ der erken sollichs/ dann des Herrn weg seind richtig/ die gerechten werden darauff wandeln mögen/ aber die gottlosen werden darauff straucheln.

Der segens des Herrn ist über das haupt des gerechten/ darüb hat im der Herr gegeben das erbtrey/ vnd hat im geteylt den teyl in den zwölff geschlechtern/ vnd er hat gefunden gnad in dem angesicht alles fleischs/ Er hat in groß gemacht in der forcht der feind/ vñ in seinen worten hat er gesanfft mütiger die wilden thier/ Er hat in gepreiset vor den königen/ vnd hat im gezeigt seine ehr/ in dem glauben vnd seiner sanfft mütigkeit hat er ihn heylig gemacht/ vnd hat in außserwelet auß dem fleysch/ Er hat im geben das hertz zu den gepoten/ vnd das gesatz des lebens vnd der zucht/ vnd hat in erhöht/ Er hat im gesetzt ein ewigs testament/ vnd hat in umbgürtet mit dem gurt der gerechtigkeit/ vnd der Herr hat in angethon mit der kron des preis.

Der Herr hatt mich gehabt im anfang seiner wege/ vor seinē werck dazu mal war ich/ Ich bin ein gesetzt von ewigkeit/ von anfang vor der erden. Da die tieffen noch nicht waren/ da war ich schon fertig. Da die brunnen noch nicht mit wasser quollen/ Ehe die berg eingesenckt warē/ vor den büheln war ich fertig/ Er hette die enden noch nicht gemacht vnd was dran ist/ noch die berge des erdbodems. Da er die himel bereitet/ war ich daselbs. Da er die tieffe mit seim zil verfasst/ Da er die wolcken droben heffet. Da er festiget die brunnen der tieffen/ Da er dem möhr das zil setzet/ vnd den wassern das sie nit übergehe seinen befehl. Da er den grund der erden legt/ Da war ich bey ihm vñ fertigets/ vñ het meinen lust täglichs/ vñ spilet vor im alle zeit/ Vnd spiegelt auff seinem erdboden/ vnd meine lust war bey den menschen kindern.

So gehorcht mir nu meine kinder. Woldenen die meine weg behalten. Höret die zucht/ vnd werdet weiß/ vnd lasset sie nicht faren. Woll dem menschen/ der mir gehorhet/ das er wache an meiner thür täglich/ das er warte an den pfosten meiner thür. Wer mich findet/ der findet das leben/ vñ wirtschöpffen wolgefallen vom Herren.

O Herrre könig/ ich vergich dir/ vnd lob dich Got meinen behalter/ Ich bekenne den namen/ wan du bist mir worden ein helffer vnd ein beschirmer vnd hast erlöset meinen leib von der verdammis/ von dem strick der bösen zungen/ vnd von den leffzen der/ die da wirken die lügen/ vñ du bist mir worden ein helffer in dem angesicht der beystehenden/ Vnd hast mich erlöset nach demenig der erbermbde deines namen von den lüendē bereit zu dem essen von den henden der/ die da süchen mein seel/ vnd von den thoren der trübsalen/ die mich vmbgaben/ von der bedrückung der flām/ die mich vmbgab/ vñ ich bin nicht erhitzet in mit des sewers/ Von der tieffe des bauchs der hell/ vnd von der vermaligeten zungen/ vnd von dem wort der lügen/ von dem bösen könig/ vnd von der vngerechten zungen/ Mein seel lobet den Herrn bis an den todt.

Nim war ich sihe meinen Engel/ der wirt den weg vor mir raumen/ vnd der herrscher den jr sücht/ wirt also zu seinem kōmen/ vnd der Engel des bunds/ nach dem euch verlangt/ sihe/ der kompt/ spricht der herr Zebaoth. Wer wirt aber den tag seiner zukunfft erdulden/ wer wil bestehen/ so er erscheynet dan er leüttert wie fiewr/ vnd wie der walckern kraut. Er wirt sich setzen

der zucht 45
Epistel an
S. Andree
as abent.

der sprich 8
Epistel am
tag der ent
pfengnis
vnd geburt
Marie.

der zucht 51
Epistel an
S. Agnetis
tag/ vnd S.
Laurētius
abent.

Malach.
Epistel an
Lichtme
Marie.

Sapient. 5
Epistel am
tag Philip:
pi vnd Jaco
bi vñ Geor:
gij.

zu leittern / vnd das silber zu reynigen / Er wirt die Sön Leui reynigen vnn
schneiden wie golt vnd sylber / das sie dem Herrn speisopffer in der gerechtig
keit bringen. Denzumal wirt das speisopffer Juda vnd Hierusalem dem her
ren angenehm sein / wie von anbegin vnd vor alten jaren.

Denn werden stehen die gerechten in grosser beständigkeit wider die / die
sie haben geengstiger / vnd die da haben angenommen jr arbeit. Schend
werden sie betrübt mit grausamer forcht / vnd wundern sich in der gehe
des ungehofften heyls / vnn seuffzen vor der angst des geists / sagen in inselbs
blüß wirckend vnd seuffzet vor der angst des geists. Dise sind die wir erwan her
ten in gespot / vnd in gleichniß des lasters / O wir vn Sinnigen wir scherzen jr les
ben vn Sinnig / vnd jr end on ehre / Schent wie sie sind gezelet vnder den Sönnen
Gottes / vnd jr loß ist vnder den heiligen.

Jerem. 1
Epistel an
S. Johan:
nes des reuf
fers abent.

Ehe vnd ich dich in mütter leib modele / Kenne ich dich / vnd ehe du auß der
burt kamest / hab ich dich geheilige / vnd dich den völkern zu ein prophe
ten gesetzt. Da sprach ich / Ach HERR Got / sihe ich kan nicht reden / ich
bin sein ein kindt. Aber er sagt zu mir / Du solt nie sagen / ich bin sein ein kindt /
dann war zu ich dich schicken werd / dahin müstu gehen / vnd alles so ich dir ges
beut / dasselbig müstu reden / vnd darumb so forcht dich nie vor jnen / dann ich
bin mit dir / dich zu erretten / sprach der HERR. Vnn der HERR recket
auß seine hande / vnd ruffte mir auff den munde / vnd sprach zu mir / Nim war /
ich hab mein wort in deinen munde gelegt / Sihe ich hab dich heüts tags über
die vöcker vnd Königreych gestellt / das du außyertest / zur schmeißest / verders
best vnd verherest / das du auff bawest vnd pflanzest.

Isaie 49
Epistel an
Johannes
des reuffers
tag.

Lasset mir jr Insulen vnd jr vöcker von ferren mercket auff. Mich hat der
Herr von der geburt an berüfft / vnd meines namens von mütter leib her
gedacht / Er hat meinen munde gemacht wie ein scharpffs schwer / vnn
mich vnder seiner hande schatten verborgen / Er hat mich zu ein aufspolter
ten pfeil gemacht / vnd mich in seinen köcher geschoben / vñ zu mir gesagt / Du
bist mein knecht Israhel / in welchem ich ehre einlegen werde. Da saget ich / Ich
hab vergebens gearbeitet / vnd mein vermögen lauter vmb sunst angelegt / ye
doch ist mein recht mit dem Herrn dian / vnd mein werck mit meinem Got.

Nun aber sage der Herr / der mich von mütter leib her jm zu einem knecht
geschaffen / das ich Jacob widerumb zu jm fürte / aber Israhel wolt sich nicht
versameln lassen. Noch bin ich theur in den augen des Herrn / vnd mein Gott
ist mein sterck. Er aber sprach / Es ist zu wenig / das du mein knecht seiest / die
stammen Jacob auffzurichten / vnd das verwüster Israhel widerumb auff zu
fürte / hierumb hab ich dich auch zu ein liecht der heyden gesetzt / das mein heil
biß zu ende der erden reich.

Also redt der Herr der erlöser Israhels vnd sein heylig / Der eins verachten
wesens ist / an dem die heyden ein abschewen tragen / vnd der ein knecht der ges
waltigen ist / den werden König schein / vnd gegen jm auffstehen / vnn Fürsten
werden in anbetten von wegen des Herren der do trew ist / des heiligen Isra
hels der dich erwelet hat.

er zucht 44
Epistel am
tag Johan
s vñ Pau
merterer.

Diese sind die man der barmherzigkeit / der gütigkeit nicht gebresten / Bey
jrem samen bleyben die gütheit / vnd das heylig erb jr enickley / Vnd jr
samen stehet in den zeugnissen / vnd jr sone vmb sie. Jr same bleibe vnna
ewiglich / Vnd jr sam vnd jr glori wirt nicht verlassen / Jr leib sein begraben
im frid / vnd jr nam lebet vnder den geschlechten / vnd in den geschlechten. Die
vöcker reden jr weißheit / vnd die kirch verkündet jre lob.

obgsang. 2
Epistel am

EWeyn fründt ist ein rebe oder junger hirsch. Sihe / er stehet hinder vnser
wande /

wandt/vnd sieht durchs fenster/vnd guckt durchs gytter.

Wein fründe antwortet vnnnd spricht zu mir/ Stehe auff meine fründin/ mein schöne/vnd kum her/ Dan sihe/ der winter ist vergangen/ Der regen ist weg vnd dahin/ Die blomen sind herfür kōmen im land/ Der glenz ist herbey kōmen/vnd die turteltaub läßt sich hören in vnserm lande/ Der seygenbaum hat knotten gewonnen/ Die weinstöck habē augen gewonnen/ vñ geben jren geruch/ Stehe auff mein fründin vnd kōm/ mein schöne kōm her/ Wein taub in des fels löchern in den steynritzen/ Zeige mir deine gestalt/ Laß mich hören deine stym/ Dann dein stym ist süß/ vnd dein gestalt lieblich.

tag Marie
heimsüch-
ung.

Wer wil ein redlich weyb finden/ Sie ist edler dan perlen/ Jrs mans hertz
thut sich auff sich verlassen/vnd narung wirt jm nit mangeln/ Sie thut
jm güts vnd kein böses sein lebenlang/ Sie gehet mit wollen vnd flachs
ymb/ Vnd arbeitet gern mit jren händen/ Sie ist wie ein kauffmans schiff/
Das seine narung von fernen bringet/ Sie stehet des nachts auff/vnd gibt für-
ter jrem hauß/ Vnd essen jre diernen/ Sie denckt nach ein acker/vnnd kaufft
jn/ Vnd pflanzet einen weinberg von den fruchten jrer hände/ Sie gürtet jre
lenden fest/ Vnd streckt jre arme/ Sie fület dz jre handel gut ist/ Jre leuchte ver-
lischt des nachts nicht/ Sie streckt jre hande nach dem rocken/ Vnd jre finger
fassen die spindel/ Sie breit jre hände auß zū dem armen/ Vnd reicht jre hande
dem dürfftigen/ Sie fürcht jres hauses nicht vor dem schnee/ Dann jr ganzes
hauß hat zweyerley kleider/ Sie macht jr ein geschmuck/ Weiße seyden vñ pur-
pur ist jr kleid/ Jre man ist berümbt in den thoren/ Wenn er sitzt bey den elstien
des lands/ Sie macht ein rock vnd verkaufft jn/ Einen gürtel gibt sie dem krä-
mer/ Secret vnd geschmuck ist jr kleid/ Vnd wirt hernach lachen/ Sie thut
jren munde auff mit weißheit/ Vnnd auff jrer zungen ist das gesetz der güte/
Sie schawet auff die genge jres hauses/ Vnd yffet jr brot nicht mit faulheyt/
Jre söne kōmen auff vnd preisen sie selig/ Jre man lobet sie/ Vil töchter bring-
en reichumb zusamen/ Du aber übertriffest sie alle. Gunst ist falsch/vnd schön-
ne ist eytel. Ein weib das den Herrn fürcht/sol man loben. Gebt jr von den frū-
chten jrer hände/ Das sie jre werck loben in den thoren.

der spruch 31
Epistel an
S/Maria
Magdalen
ne tag.

Vnd als der storax/vnd als der galban/vnd als die vngula vñ die tropff/
vnd ich sprengt meinen geschmack in meiner eynwohnung/ als der vnbe-
schnitten Liban/vnnd mein geschmack ist als ein vnbeschnitner vnuer-
mischer balsam/ Ich sträcke mein äste als die than/vnnd es sind mein äste der
ehren vñ der gnaden/ Ich bracht fruchte der senfftigkeit des geschmacks als die
reb/vñ mein blumen sind der ehren vnd der ersamkeit/ Ich bin ein mütter der
schönen/lieb vnd der forcht/vnnd der erkennung/vnd der heiligen hoffnung/
In mir ist alle gnad des lebens/vnd der warheit/in mir ist al zūversicht des le-
bens vnd der tugend/ Gehend all zu mir/die jr mich begerent/vnd werdent er-
fült von meinem geschlechte/ Wan mein geyst ist süß über dz hönig/vñ mein
erb über das hönig vnd über den hönigsam/ mein gedanck ist in die geschlechte
der welt/ Die mich essen die hungert noch/vnnd die mich trincken die dürstet
noch/ der mich hört/der wirt nicht geschendet/vnd die do würcken in mir/ die
sünden nicht/die mich erleuchten/die haben das ewig leben.

der zucht 24
Epistel am
abent Ma-
rie himmels-
fart.

Vnd ich sucht rhue in allen disen dingen/vnd wonet in dem erb des Her-
ren/ Da gebot vnd sprach zū mir der schöpffer aller ding/vnd der mich
beschüß/ der rhuet in meinem tabernackel/vnnd sprach zū mir/ Du solt
wonen in Jacob/vnd erben in Jsrahel/vnd laß die wurzeln in meinen erwöl-
ten/ Ich bin geschaffen von anfang/vnd vorder welt/vnd gebücht nicht vnns
der künfftigen welt/vnd ich dienet vor jn in heyliger wohnung/ Vnnd also bin
ich bissetigt in Syon/vnd zugleich erweist rhuet ich in der geheiligten stat/vñ

der zucht 24
Epistel am
tag der hy-
melfart ma-
rie.

mein gewalt ist in Hierusalem/ vnd ich wurzelt in dem geerten volck/ vnd sein erb ist in den teilen meines Gottes/ vnd mein enthaltung in der erfüllung der heyligen. Ich bin erhöcht als der ceder in dem Liban/ vñ als der cipress in dem berg Syon. Ich bin erhöcht als der balmbaum in Cades/ vñ als die pflanzgug der rosen in Jhericho. Ich bin erhöcht als der schön ölbaum in den wälden/ vñ als der ahorn bey den wassern in den gassen. Ich hab gen geschmack riechend als der cynamom vnd der balsam. Ich hab die senfftigkeit des geschmacks als die erwelt mir.

der spruch 3
Epistel an
s. Martheis
aber / vnd
epistel eines
märterers.

Wil dem menschen der weißheit findet/ vnd dem menschen dem verstande
Wüßtest/ Dann es ist besser dieselben kauffen/ dann silber/ vnd jr einkom-
men besser dan golt. Sie ist edler dann perlen/ vñ alles was du wünschen
magst/ jr ist nichts zugleichen. Langes lebē ist zu jr rechten hand/ zu jr lincken
ist reichumb vnd ehre. Ire weg sind lieblich wege/ vnd alle ire steyge sind fride.
Sie ist ein baum des lebens allen die sie ergreifen/ vnd selig sind die sie halten/
Dann der Herr hat die erden durch weißheit gegründet/ vnd durch verstant
die himel bereit. Durch seine erkantniß sind die tiefen zurteilet/ vñnd die wol-
cken mit tau trieffend gemacht.

der spruch 10
Epistel vñ
vil märte-
ren.

Das warten der gerechten wirt freud werden/ Aber der gotlosen hoffnüg
wirt verloren sein. Der weg des Herrn ist des frommen troz/ Aber die
übelhäter seind blöde. Der gerecht wirt nymmer mer vmbgestossen/
Aber die gotlosen werden nicht im lande bleiben. Der mundt des gerechten
bringt weißheit/ Aber das maul der verkereten wirt außgerot. Die leffzen der
gerechten wissen was wolgefeller/ Aber der gotlosen mundt ist verkeret.

Falsche wag ist dem Herrn ein gewel/ Aber ein völlig gewicht ist sein wol-
gefallen. Wo stolz ist/ da ist auch schmach/ Aber weißheit ist bey den demüt-
gen. Die frumbkeit wirt die auffrichtigen leiten/ Aber dz außstretten d veräch-
ter wirt sie verstoren. Gut hilfft nicht am tage des zorns/ Aber die gerechtig-
keit errettet vom tode. Die gerechtigkeit des fromen fertigt seinen weg/ Aber
der gotlos wirt fallen durch sein gotlos wesen. Die gerechtigkeit der auffrich-
tigen wirt sie erretten/ Aber die verächter werde gefangen in jrer schalckheit.
Wenn der gotlos mensch stirbt/ ist hoffnung verloren/ vnd das harren der vn-
rechten wirt vmbkommen. Der gerecht wirt auß der not erlöst/ vnd der got-
los kompt an sein stat. Durch den mund des heuchlers wirt sein nechster ver-
derbt/ Aber durch erkentniß werden die gerechten erlöset. Ein stat frewet sich
weñs den gerechten wol gehet/ Vnd wenn die gotlosen vmbkömen/ wirt man
fro sein. Durch den seggen der auffrichtigen wirt ein stat erhaben.

An Sanct Nicolaus tag/ Epistel.

Epistel vñ
ein beychi-
ger.

Sehet ein grosser priester/ der in seinen tagen Gott wolgefallen hat/ vnd in
der zeit des zorns ist er worden ein versönnung. Seines gleichen ist nicht er-
funden worden/ der do hielte das gesatz des aller höchsten. Darumb mit
geschwornem eyde hat in der HERR machen zu wachsen in sein volck/ den se-
gen aller vöcker hat er jm gegeben/ vnd sein testament hat er auff sein haupt
bestetigt. Er hat in erkennet in seinen benedeyungen/ vnd hat jm behalten sein
barmherzigkeit/ vnd er hat genad erfunden vor den augen des Herren. Er
hat in größet vor dem angesicht der köning/ vñ hat jm geben die kron des preis
Er hat jm gesezt ein ewigs testament/ vñnd hat jm geben ein grosses priester-
thumb/ vnd hat in beseliget in der glori/ zu brauchen das priesterthumb/ vñnd
zu haben das lob in seinem namen/ vnd zu opffern ein wyrdiges/ brynnendes
opffer in dem geschmack der süessigkeit.

Der

Der allersterckist Judas vermant das volck/das sie sich enthielten on sün
de/ als sie mit iren augen sahen die ding die do geschehen sindt/ vmb die
sünd/der/die do erschlagen waren. Vnd do er die ermanung thet da schi-
cket er zwölff tausent pfenning des silbers gen Hierusalem zuopffern für die
sünd der todten ein opffer/ gedenckende wol vnd geistlich von der aufferstehe-
ung. Nun allein/er hoffte dem das die/die do gefallen waren wider aufferstün-
den/so würd es übrig vnd eytel ersehen/ zubetten für die todten. Vnd so er
dem mercket das dise / die mit gürtigkeit die entschaffung genom-
men hetten/würden haben die aller besten widergelegten gnad
Heilig darumb vnd heylsam ist die gedechtnis für die tod-
ten zubitten/das sie von den sünden auffgelöset werden.

Macha. 12.
Epistel an
den seelmes-
sen.

Gedruckt vnd volendet zu Tübingen/ vnd auffs new mit fleiß durch
lesen vnd Corrigirt von dem würdigen doctoz Johan Dietenberger.
Mit verlag vnd belonung des Ersamen vnd fürsichtigen Pe-
ter Quentel. Im Jar nach Christi vnseres sälligmachers
geburt. M. D. XXXII. Am letzten
tag des Augstmonds.



Ephesern am 4. Ein lieb und einig geist wie es anfangs bezeugt
 fremt seit anst einigkeit Gott unig laues berouff
 Ein gese ein gelaub ein tauff ein gott und wasser
 wasser aller der da ist über vns aller dem durch
 alle und in allem
 lassett kein bouß geschweiz anst ewigen mündt
 gese sonder was da quott für in beistung geist
 gelaubung und den zu gese mitz bringe
 Seist aber einander fründlich geistlich und wer
 gebett eines dem anderen gleich wie gott einig vns
 geben hat zu fristo.

Knecht am 12 so dem feing fingerett so spess in dross
 in so dreink in so saunelst du in geloung
 kollen off für saupft *God*
 Kollen off für saupft
 So Kollen off für saupft *am 12*

12











